

中國方志叢書·華中地方·第六〇五號

據 清·張皇輔修，錢喜選輯
清康熙二十五年修，雍正六年增補刊本 影印

浙江省

青田縣志



5412/04

成文出版社有限公司印行



10098328

中國方志叢書·華中地方·第六〇五號

據清·張皇輔修，錢喜選輯
清康熙二十五年修，雍正六年增補刊本
影印

浙江省

青田縣志

成文出版社有限公司印行



10098327

中華民國七十三年三月臺一版

青田縣志

共二冊

發行人：黃

成

助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

序

今上御極之十有七年皇輔奉

命受青田邑事初到官問掾吏嚮

所藏圖籍欲具知山川阨塞

謠俗好惡制度興廢狀以竭

愚駑效職事而寸簡隻字無

度置存者蓋邑志之散缺久
矣越八年皇輔乃得從事修
輯志成溯邑舊志明以前無
考成志間邑令六安單瑛聘
葉大叅仕寧有所纂志至嘉
靖間邑令吉水李楷聘陳明

經中州重輯皆體裁簡略煇
不盈寸由嘉靖迄今凡歷百
有五十餘載中間數更喪亂
版毀書亡自遠近行省及郡
邑各志未有廢墜若此之久
者卽皇輔承乏是邑固宜朝

至而夕謀及此乃必越八年
所而始克從事者非敢緩也
蓋有待也方皇輔之青是時
離閩亂之酷城邑爲墟無論
咻噢瘡痍奔承羽檄日不暇
給卽令見諸簡策要皆監門

繪狀拾遺哀吟慮不足以洋
溢

皇清之休德用是日竭蹶於辟荒
萊集流亡披茂草以葺膠庠
占營星以建縣治請減重徭
整齊敝俗如是者積有年且

夫紀載之修文獻是賴本邑
旣無遺書勢必廣蒐異地非
時月可致而故老宿儒遭亂
淪謝諮訪未能周悉如是者
又積有年五官並用代不多
覩令有民社之責簿書期會

一墀相遺邑介甌括衝戴星
懸燭猶恐事卒不治使必躬
親筆削則邑事都廢欲藉手
授簡則才學識三難爲劉知
幾所歎知人不易如是者又
積有年屬以青之人與令習

久紀綱麤定會本學錢廣文
喜遜雅贍班馬之長是非進
退人服於其素幸不拒珥筆
之請皇輔適館授粲集邑籍
紳更老及俊髦之士網羅放
失窮極搜討皇輔自公之餘

復加修飾浹月而哀然成書
視前志卷凡三倍而詳慎殆
尤至焉因出俸以授之梓不
敢纖毫煩民力也是役之成
非用以炫示文采粉飾一時
大指爲殘疆瘠土鋒鏑遺黎

達幽隱以冀徼採擇動

聖天子之咨嗟加卹獲與普天同

慶且俾後之司牧者資爲津

轍因勢以利導焉


昔

康熙二十五年丙寅夏四月

文林郎浙江處州府青田縣知

縣上黨張皇輔書





增訂青田縣志弁言

青邑之志脩自康熙丙寅其
時上黨張君皇輔宰是邑實
成此書越今四十三年矣是
宜續而脩之以臚所未載備
文獻焉里自乙巳秋承乏於

茲一切庶政先其大且亟者
才薄力驩未遑此也惟

皇上御極以來繼述益以善制
度益以備都俞之盛交泰之
孚古所未有而尤以維風正
俗務農力本爲亟元年